

A Palle Rosse

Eri l'isula ghjustizia
In li seculi passati
Ma sò sbarcati di Francia
Ghjudicelli è magistrati
Ch'elli vachinu à caternu
Chì ci laganu in infernu

**Tandu ripongu la penna
E tirgu à palle rosse**

O ma chì bellu prucessu
Dopu u drama di Furiani
Risponsevule manc'unu
Mez'à tutti issi furdani
Ch'un capiscenu l'accuse
Patarechje e mille scuse

**Tandu ripongu la penna
E tirgu à palle rosse**

Diu vi salvi o corsi
Di quell'orridu palazzu
Chì cundanna e famiglie
Chì fora facenu u tazzu
Di l'impiegatu chì mena
E sempre l'odiu sumena

**Tandu ripongu la penna
E tirgu à palle rosse**

Quì un si cundanna micca
Quelli di a prifettura
Dateli puru e medaglie
Chì stanu senza primura
Scalanu pè prumuzioni
O li purcacci manghjoni

**Tandu ripongu la penna
E tirgu à palle rosse**

Cù i soldi e l'amicizia
E a vuluntà statale
Si v'andemu à la ghjustizia
Ci n'andemu à lu più male
A mamma face u so dolu
E pienghje lu sò figliolu

**Tandu ripongu la penna
E tirgu à palle rosse**

E tandu ripongu.